

中国边疆研究资料文库·边疆史地文献初编

# 北部邊疆

第一輯

中国边疆研究资料文库·边疆史地文献初编

# 北部边疆

第一輯

皇明九邊考

據明嘉靖刻本影印



皇明九邊考

九邊考司馬魏君東洲所集也一日  
按治夔郡因論山西三關事宜遂出  
所集本以示予既而領歸之公署細  
閱之九邊之事蹟綱領條目燦然畢  
具議論纂述皆有根據籌邊之良法  
美意盡在於此噫今之刻集遍天下

不過玩物適情之具耳其視此集有  
益於

國家有補於生民有關於世道不同也  
請廣其傳且以爲有事於九邊者之  
一助焉命千戶楊元遂書錢棹於嘉  
靖壬寅陽月也知夔府事關中張環  
跋

九邊考叙

古稱諸侯守在四鄰天子守在四夷蠻夷率服者舜氏堯  
來享者湯九夷八蠻通道者武皆有道仁聖之主而坐致  
夫守在四夷之隆自後造陽築於燕臨洮墾於秦中  
國先受困弊而夷狄未之賓服其嚴尤所謂無策  
也已我

祖宗

朝家四海而幅員萬里九邊外則夷類却落居之時脩職貢聞或紀實然  
列聖所以駕馭而奔走之者博大纖悉燦然罔不完東洲觀

君爲兵部郎特稽諸凡閤簿書審之寄象觀譯集  
爲九邊考一日出以示余繕閱數日顧其爲書見疆  
域之廣焉見保障之固焉見責任之專焉見士馬  
之雄焉見錢谷之富焉見外夷之終始焉見集議  
之臧否焉昔程夫子學極精微於凡夷狄情狀山  
川道路之險易以至斥埃控帶之要靡不究知張魏  
公與舊戍將時時握手飲酒因以熟識虜情東洲  
魏君其若斯人之疇歟

嘉靖二十年仲冬月同知長沙府事閩人海東蔡續書

皇明九邊考引

兵部職方清吏司主事長沙魏煥謨

謹按兵部職方清吏司掌天下地圖城隍鎮戍烽燧之政其要害重大者莫如九邊而事之不可臆度者亦莫如九邊本兵之在

朝廷九邊之樞也其機自職方始非考驗素定寧無負明時之委任耶煥不敏承乏是司竊用懼焉乃採集堂稿博採邊疏詢諸邊將譯使有所聞遠書之冊積久編次成書分類備考懼夫夷險之弗辨也于是有疆域考懼

夫防守之弗蔽也于是有保障考懼夫特領之弗職也  
于是有責任考懼夫騎射之弗精也于是有軍馬考懼  
夫勦捕之弗克也于是有錢糧考懼夫寇虜之莫知所  
從來也于是有外夷考懼夫籌畫之弗審而無以爲應  
變之地也于是有經畧考各虛其後以俟日有所聞而  
續集焉至于通乎九邊者仍撮其要于首以爲九邊通  
考庶平時異地遠者一展卷可知其槩矣噫此亦書生  
之見耳長于經濟者胡用乎此

凡例

一 九邊圖因職方司舊本增以近年新設邊牆厓塹以備披閱

一 鎮戍沿革取諸會典

一 疆域沿革取諸各邊圖誌

一 城堡墩臺牆塹增舊創新取諸近年堂稿

一 軍馬登耗數目取諸嘉靖拾捌玖年各邊開報手冊

一 錢糧定數取諸戶部各司手本

一 文武職官責任取之本司各科職掌

一審夷始末攷之一統誌參以遣將護使之言

一審夷部落之強弱支派之分合多出虜中走回人口之言錄之以俟預防者採焉

一要害之巨細必錄以明防守之當急

一邊牆之始末必備以明馭戎之上策

一盜賊茶政必錄以明飛輓之至計

一屯政馬政必錄以明軍務之深謀

一首錄巡撫將官以明邊鎮之綱領

一備錄選將集兵儲蓄之法以明今日之急務

一經畧多出本司堂稿及桂尚書輿圖要覽許主事九邊論并諸名公奏議間亦竊附鄙見

一採集諸說但取其事之有關於地方者故不備錄全文

一先年奏議或爲當時所棄今察其有可行者必錄以俟採擇

一將領之奏捷失律者必錄以昭往鑒

一凡改築邊壙恢復舊制之說一時雖曰難行必錄之以俟便宜者採焉

一因事宜書止爲備事言之不倫不文非暇計也

一凡有一待之品必錄之于後以備自致非敢求知于人也

一斯錄止據其平日所見聞者愚不能上交孤陋無聞故于當代名公嘉述僅續皆不悉知深自愧悚以俟日有所聞而續集焉





